



علم ، صنعت و اخلاق دار هفته لای مجموعہ

هفته مصاحبه می

فکر اختکاری

واپورده ، شمندوفرده ، تراموایدہ ، قہوہ دہ ، جادہ دہ
قہا قہایہ ویرمش ایکی آدم کورورسہ کز ، ہیچ قورقاندن ،
حکم ایدیکنز :

— مطلقا اختکاردن بحث ایدیورلر ...

امین اولکنز کہ ہیچ برشی بوسیط کشفکنزی تکذیب
ایدہ من . بونصیحتی براز «طوالع الملوك» چاشنیسنده بولویورسہ کز ،
تریہ یہ پک موافق اولماقلہ برابر ، شویہ خیفدن قولاغکنزی
قبارتکنز : ایشیدہ جککنز شی قہوہ اختکاردن ، باصمہ
اختکاردن ، بولغور اختکاردن ، قاباق وپاطلیجان اختکاردن
عبارتدر . تکلیفسزلکی ، لابلیلکی الہ آلاجق اولورسہ کز ،
ہمان یانکزدہ کی حرارتلی مصاحبہ سزده آتلیورک : آدارک
اک کہنہ واپورینہ بیلہ پنمش اولسہ کز ، یولک اوزونلغنی ہیچ
حسن ایتہ دن ، کندیکیزی ، خیریلتلی دودوک سسلری آراسندہ
اسکلہ دہ بولورسکنز . یالکنز اونوتامالی کہ اختکار عالمندن
بویلہ آتشی آتشی آتشی مصاحبہ ل چقارہ یلمک ایچون واپورده
اولا یر بولق لازمدر . یوقسہ ایکی ساعت آیاقده دورمای
کوزاوکنہ کنینجہ ، انسان ، یالکنز ، آچیلیر قاپانیر اسکملہ لری
برآندہ اورتہ دن قالدیرہ رق کورونمز یرلہ صاقلایان واپور
اختکارجیلرندن باشقاسنی دوشونہ میور . بوندن طبیعی نہ اولایلیر :
اولا اوطوراجق یر ، صوکرلا قیردی ... آیاق اوستندہ چال
چککک ایتک عادتا براسئتندار . ذاتا باقسہ کزآ ، ہردرلو
مصاحبہ نک آیری براوطوروش شکلی یوقی ؟ مثلاً محلہ دیدی
قودیبی پیکدہ باغداش قورہ رق اوطورمہ دن یایلایلیرمی ؟

اختکارجیلر عاہندہ ہر بولوندینی یردہ ہان برقونفرانس

ویرمہ یی کندیسنہ مسلک یامش کوزہ برآرقاداشہ کچن کون
ناصلسہ تصادف ایتدم . موضوعنی پک ایی بیلدیکم اویتمز
توکنمز قونفہ رانساردن برینی داہا دیکلہ مہ مک ایچون ، ہان
حدتلہ سوزہ باشلادم :

— تجارت عالمندہ کی اختکارجیلری آغز دولوسی ذم
ایدہ رسک . فکر عالمندہ کیلرہ قارشنی نہیہ صوصیورسک ؟
یوقسہ سندنہ اولنردنیمسک ؟

داہا صوک جملہ یی بیتیرمکہ قالمہ دن ، آرقاداشم شاشقین شاشقین
قالابالق آراسنہ قاریشدی ، کیتدی . فقط ، صرف برکوزہ یی
آیاق اوستندہ دیکلہ مہ مک ایچون بردن برہ آغزمدن چیقان
سوزک معناسنی اووقت دوشونمکہ باشلادم : حقیقہ مملکتدہ کی
فکر اختکارجیلری ، علم اختکارجیلری ، صنعت اختکارجیلری ،
تجارت عالمندہ کیلرندن داہا آزمیدی ؟ آرادہ کی فرق ، قہوہ
وپاتیسقہ اختکارجیلرینی یاقلایان برقومیسون اولدینی حالہ ،
فکر عالمندہ کی اختکارک سربست سربست یایلایلیمہ سندن
عبارت دکیدی ؟ اووقت ، پاطلیجانہ ، قاباغہ ، بامیہ باقق
ایچون نیچون برقومیسون داہا یایلامادیقنہ حدتلہ دن آرقاداشمہ
قارشنی ، غیابادہ ، بن کوپوردم :

— واآی ... دیمک بزم متفکر دیدیکمز صنف پاطلیجانہ ،
قاباغہ ، بامیہ فکرذن چوقاہمیت ویریورہا ! اکراونلرجہ
فکرک برقیمتی اولسہ یدی ، ہیچ اولمازسہ غزتہ لک برندہ
فکر اختکارجیلری علیندہ دہ تدبیرلر یایلماسنی ایستہ ین برتک
سطرہ تصادف ایدہ ردک ...

فکر و علم تجارتی ، پک اسکی زمانلردن بری ، شرقدہ دہ
غربدہ دہ مقبول ، شایع برشیدرہ . فقط بزم مملکتدہ بوتجارتک
بورسہ سی ، یعنی ، صلاحیتی ہر کسجہ طانینمش متخصص زمرہ لری
بولونمادینی جہتلہ ، چوق دفعہ اختکار ماہیتی آلیور . بو
اختکارک شکلری چوق قاریشیق ، چوق دولامبا جلی ...

آخلق ، صوسزلق کبی المار ، ازاله ایدلدکاری صورتده
فردیتز تهلکهده قالیر . بونلر ، وجودمزرده باشلایان مادی
بر اکسیکلکک ، مادی بر بوزو قلعک خبر جیلریدر . ییکدن ،
ایچمکدن دویدیغمز حظلرده ینه عضویتزده باشلایان بر
قوتلنمه نك ، بر جانلانمه نك مژده جیلریدر . او حالده ، بو نوع
حظ والمیره (فردی حظلر والمیر) دییه بیلیرز .

حال بوکه ، مفکوره لر مرکز تطمین ایدله مسندن دوغان المار
ازاله ایدلدیکی زمان فردیتز هیچ بر تهلکه قارشینده قالماز ؛
چونکه فردیتز ، مادی وارلقلردن متشکل اولدینی ایچون ،
آنچق مادی وارلقلردن ضرر یاخود فائده کوره بیلیر .
مفکوره لرک ، یعنی معنوی وارلقلرک اوکا دوغرودن دوغرویه
هیچ بر تأثیری یوقدر . فقط ، بزم بو فردیتزدن باشقه ، برده
مفکوره لر مژدن وجوده کلش بر شخصیتز وار . ایشته ،
مفکوره لر مژدن دوغان المار ، بو شخصیتک تهلکهده اولدیغنی
خبر ویرر . مفکوره لرک تطمین ایدلمسندن حصوله کلن
حظلرده ینه بو شخصیتک تکاملنه ترجمان اولیور . او حالده ،
بو نوع حظلره والمیرهده (شخصی حظلر والمیر) دییه بیلیرز .
فردیت و شخصیتک ایکسی ده برر (تمایللر سیستمی) درر .
ایکیسی ده المردن قاچار ، حظلری آزاره نقطه برنجیسی مادی
المردن قاچهرق مادی حظلری آزار . ایکنجیسی ایسه معنوی
المردن قاچهرق معنوی حظلری آزار .

کوریلورکه (المدن قاچق ، حظی آرامق) فردی حیات
کبی شخصی حیاتکده ناظمیدر . فقط ، فردی حیاتده کی حظ
والمایله ، شخصی حیاتده کی حظ والمک کیفیتلری ، طبیعتلری
تمامیله باشقه درر . لذتچیلرک (hedonisme) ، یاخود انتفاعچیلرک
(utilitarisme) ظن ایتدکری کبی ، شخصی حظلر والمیر ،
فردی حظلره والمیره ارجاع ایدیه مژر . شخصی تمایللرک منشأی ،
فردی تمایللرک منشأندن بوس بوتون آیریدر .

فردی تمایللر ، بزه ، نوعمژک تلقینلری ماهیتده درر . شخصی
تمایللر مژر ایسه جمعیتمژک الهاملری حکمنده درر . دیمک اولیورکه
ایکی نوع بنلکمزده ، مستقل صورتده بزم کندی المزدکلدر .
یدیکمز ، ایچدیکمز ، تناسل آرزوسنی حس ایتدیکمز زمان ،
ظاهرده بزم کندی فردیتیزی ادامه یه چالیشیورز ؛ حقیقتده
ایسه ، خبر مژر اوله دن نوعمژک ادامه سینه خدمت ایدیورز .
دینی ، اخلاقی ، سیاسی ، بدیی مفکوره لر پیشنده قوشدیغمز
زمانده ده ، ینه ظاهرده بزم کندی شخصیتمژک تمایللرینه تابع
اولیورز ؛ حقیقتده ایسه ، خبر مژر اوله دن جمعیتمژک انتظام
یاخود ترقیسنه خدمت ایدیورز .

فردیت و شخصیت ، روحک ایکی مختلف سیستم داخلنده
وجوده کلش ایکی مختلف تشکیلاتیدر . فردیت سیستمک

اونک ایچون ، فکر عالمک هر طبقه سینه کیروب چیقمش اولمایانلر
حقیق بر فکر آدمیله بر فکر احتکارچیسنی قولایجه آیرامازلر .
بزه شیمدی یه قدر حقیق بر تنقید تأسس ایتش اولسهیدی ،
بو ، احتکار قومیسوننک تجارت عالمده کی تأثیرینی ، بلکه
داها قوتلی اولارق ، فکر ساحه سنده ده یاپاردی . او وقت
« داروینیزم » ایله « لامارقیزم » ک فرقی برسلطانی شا کردی
قدر بیلیمینلر « داروینیزم » ی آکلاتیورم دییه « لامارک » ک
مساکنی یازارکن ، بر منقد چیقار ، علمک بوتون تواضعیله :
— یا کیلیورسکیز ، افندی ! باری بیلیمه دیککیز شیلردن

بحث ایتیه کیز .. دیردی .

بیلیمه دیککی شیلردن بحث ایتیه مکمی ؟ .. او حالده یتش ایکی
علمدن بحث ایدنلر ، هر علمه دائر کلیات یازانلر ، هر بحثه
مطلقا قاریشمنی مساک یازانلر ایشسزمی قالسونلر ؟

علم منقدی بوسوالکیزه جواب ویرمک مجبوریتنده دکلددر .
اگر اونی برا داها صیقیشدیریرسه کز ، او موزلرینی سیلکه رک دیرکه :

— عصر مژر اختصاص عصریدر . بو دورک انسانلری ،
بوندن ایکوز سنه اول اولدینی کبی یر یوزنده نه وار نه یوق
بیلیمه مجبور دکلددرلر . بوتون حیاتنده بر علمک بر شعبه سنی
اجاطیه موقوف اولانلره نه موطلو ! اوکنده کی آنسیقلوپه دی یه
باقهرق بیلیمه دیککی و آکلامادینی هرشیدن بحث ایدنلره فکر
احتکارچیسی دیرلر . استقبالك تاریخن یازمقله « طوالمالوک »
چیقارمق آراسنده نه فرق وار ؟ ..

بوچوق قیصه فقط چوق دوغرو جوابه قارش عقی باشنده
بر آدم هر حالده برشی دییه مژر . فکر عالمده اوزون سنه لردن
بری دهشتلی تخریبات یاپان بو احتکاره قارش یایلاچق تدبیری
آرایورسکیز ؛ بک قولای . تجارت احتکارچیلری علمینده ناصل
قانونی تعقیباتده بولونولورسه ، فکر احتکارچیلرینه قارشیده
حرثی تعقیباتده بولونولوق صورتیله ...

اجتماعیات

فردیت و شخصیت

حیاتک قانونی (المدن قاچق ، حظی آرامقدر) دیرلر .
بو قانون دوغرو اولوردی ، اگر حظ ایله المک مختلف نوعلری
تفریق ایدلسهیدی !

حظ ایله الم بزه یا مادی وارلقلردن ، یاخود مفکوره لر
کلیر . مثلاً آخلق ، صوسزلق کبی المار ، وجودمزرده برطاقم
مادی وارلقلرک نقصان اوله مسندن دوغار . حال بوکه دینی ،
اخلاقی ، سیاسی ، بدیی المار ، برطاقم مفکوره لر مرکز تطمین
ایدله مسندن حصوله کلیر .